

延祐四明志

卷七

元 袁楠 撰



山川攷

隨山濬川禹所陳非瑣言也治梁及岐後訖不能別何哉明郡以四明山得名其山范不能定或曰在越或曰亡是山唐一行作山河兩戒深有旨矣四明山由越來至於慈溪東行至于鄞復折入奉化脉隴連屬稽諸田

延祐四明志

卷七

一

野可攷也江入餘姚上三千里與四明水接更十里潮勢已沒古為堰限之吳潛為慶元恨慶元公卿多徙堰於上虞潮至舊堰上不一二尺舟楫蔽沙岸雖驛舟不可發使者數言而上虞謂新堰利益不肯改噫其果有是夫作山川攷

山

鄞縣

四明山繇天臺山北面起向東一百三十里涌為二百

八十峯中有三十六峯周迴八百餘里謝靈運山居賦
曰天臺四明相接孫興公賦曰登陸則有四明天臺四
明方石四面自然開窻其中分通溪曰葦溪西引葦溪
東入於海地海句章又云鄞江山有七峰相去谷六十
里雲霧相通山東面七十峰狀如鷲浪之山境接句章
郭璞言後五百年當立郡開元置明州其所言適符合
黎州洞水東出句章是四明東門山西狀如奔牛曰奔
牛山連脊起峯因以名之中有三朵峯鐳足以立漢張

延祐四明志

卷七

二

平子居焉中有石室石西南有五朵峰形如芙蓉峰相
望各去六里中峯為四明山心黎洲溪生沙黎孫興公
與其子孫成游得黎以食因號黎州楊修游四明山見
一老人其言曰見兩人把火且當獲金刀修解之兩火
炎也加刀為剡因號剡溪其說誣恠後漢有劉阮二士
怪不復錄四明山南聳七十峯狀如驅羊其峰存者曰
存羊水源十丈有神蛇居之吐靈氣如樓閣可禱雨山
足一澗出南過一百二十里水歸鄞江南源也北南洞

一源四明山南門也溪號白溪宋有捕魚者恍不見日
光因號為大晦山東復有一本下有龍窟逸士陶源採
望如樓觀如小晦山西南八峯下有囊號八囊山、向
北有兩陣山如走蛇舊有人居之山之北門也梅福隱
越游焉舊志曰四明山四面二百八十峰周迴八百餘
里東接句章西連舜窟南嗣天臺北包翠碣其言不妄
山有五朵峯東有一峯高六里周十里南一巖高一丈
深七丈中有石穴通泉流於梨洲穴生甘草又多古杉

延祐四明志

卷七

三

柏瑞雲居之西一峯高四里南有石室下有石碑相傳
劉阮居之南一峯高三里有石壁、出數穴生石乳北
一峯高四里峯頂有天井雲氣吐吞山四面各生一色
樹東生樟樹西生松樹南生柏樹北生檉樹及黃楊木
其山頂上極平正每有雲蓋之晉沙門白道猷從天臺
入四明將築居不敢居以還木玄虛梅福孟亮游最著
其事荒忽不敢紀今因山記采其實而言之劉綱事見
太平廣記謝靈運山居賦天臺桐柏方石太平二韭四

明五輿三菁太平之北諸山神山神僊所居宋書孔祐至行通神隱於四明山見山有數百斛錢視之瓦石不異今父老相傳以繇小溪以上為東四明由餘姚而言為西四明繇奉化雪竇以入者則謂之四明山蓋山勢蜿蜒連屬與三境相犬牙

金城山縣南八十里州之按山

太白山縣東六十里視諸山為最高其顛有龍池雲氣蕭勃生於水面不絕若麗日晴霄澄徹如鏡或風振林

延祐四明志

卷七

四

木落葉紛々過之無墮池中者每風雨時雷電多從山頂生天童山有支徑可登此峯頂邦人早暝必禱焉每

有靈物變見雨隨以至或曰山以太白星得名又曰近

有小白嶺故此為太白非太白也

舒亶題太白峯千峯下視畫兒孫仙事寥

寥不可聞長作人間三月雨請看膚寸嶺頭雲題太白庵何年杖錫此徘徊天上真官為我來芝圖鶴歸香火冷石基空鎖舊蒼苔

天童山縣東六十里晉永康中僧義興廬山間有童子來給薪水久乃辭去曰吾太白一辰上帝遣侍左右言

訖不見太白天童之名昉於此山前有玲瓏石巖多嵌

虛支徑透其絕頂景象尤勝舒禪題天童寺日日青鞋

雨溪清越鳴哀玉風蔓蜿蜒動暗蛇晚潤芝羞桃秀茁

午香茶竈煮玲瓏蒼芽仙客知何在千古煙霞自一家

王安石題天童山溪水清連樹老蒼行穿溪樹

踏春陽溪深樹客無人處惟有幽花度水香云云

鄭山縣東三十里高二百八十丈按十道四蕃志云以

海人特貨貿易於此故名縣居鄭山之陰乃加邑為鄞

阿育王山在鄞山之東高數百仞阿育王建靈見寺其

下因以名山詳見本寺文寺有徑路可上山腰有佛左足跡

延祐四明志

入石二寸餘有極目亭望海中山如丘垤然

玉几山阿育王山之前自寺視之橫陳如几

大梅山縣東南七十里蓋梅子真舊隱也按福本傳王

朝棄妻子去其後人育見於會稽漢時山中有石洞鄭屬會稽而子真所隱亦不止此一山中有石洞僊

井藥爐丹竈遺跡猶存山頂昔有大梅木在其上則伐

為會稽禹祠之梁其下則為它山堰之梁禹祠之梁張

僧繇圖龍於其上夜或風雨飛入鏡湖與龍鬪後人見

梁上水淋漓而萍藻蒲焉始駭異之迺以鐵索鎖於柱

而它山堰之梁長三丈許去岸數丈歲久不朽大水不漂或有刀墜而誤傷之者血出不已餘見它山堰

灌頂山縣西七十里

缺

鄉其山直上二十里方至

頂有普淨院歲納額租故宋有採鐵於此朝旨禁之自天禧二年因府學養士歲入錢參伯貫延祐七年山民陳永等興作一十五定後寺僧分佃一半今復通佃它山即善政侯為堰之地水南沿流皆山至是始有一山在水北因兩山相對堰得以成以其無山相接故謂

延祐四明志

卷七

六

之它山亮開梨題它山截斷寒流疊石基海潮從此作同期青山自在行人若澗澗水聲無絕時

天井山在通遠鄉神龍所居有三井焉一巖突然而出者下瞰百仞之淵地僅容側足緣蘿可行如此者數十步至下井之旁石皆光潔如龍物常行久而熟之

狀又行三里至中井益險又行三里至上井則難矣早膜祈晴得蜥蜴或蛇蟹之類自山下望之夾之有光雨輒應每欲雨則雲霧先興于此山之有龍王堂張良臣記

鄉巖縣東南五十五里句章鄉巖石壁立下浸江水
北作聲則巖中荅之故曰響巖有影如佛像故又名佛
影巖天寒有鸕鷀數百為羣集于巖上故又名鸕鷀巖
北巖縣南五十里句章鄉巖中可容百人暑月清涼有
頻伽鳥巢其中

鳳山縣西南七十里通遠鄉

石舊山縣西南五十里光同鄉山陂有石圓而匾闊可
二丈中有穴似舊世傳葛仙翁煉丹之所傍有二足跡

延祐四明志

卷七

七

世謂之仙跡山下溪潭深迥杳不知其底有魚能負舟
或見則必作陰雨或見龍首枕於山麓潭上者仙隱山
與此山相連魏文節公杞作碧溪庵於其上

芝山縣南五十里光同鄉

西石山縣南六十五里通遠鄉出石

姜山縣南三十里平原中崛起有石洞三其一最大曰
後巖中可坐數十人洞後又有一小洞上有小穴形圓
如月可仰觀天里人像神祠於巖中後分其祀於山前

巖下號前巖廟

茆山縣南五十里與姜山對峙

厲山縣東三十五里

陽堂山俗曰青山縣東四十九里輿地志云此山四面懸絕下有鮑郎廟即鮑君生所居也

銀山縣西南四十五里地名小溪嘗產銀故名

錫山縣西南五十里嘗產錫故名

大含山縣東南三十里

延祐四明志

卷七

八

白鶴山望春山皆在廣德湖

陶公山在東錢湖山下多朱姓居之世傳陶朱公嘗隱

於此有釣魚磯在焉宋寶慶三年守胡榘建煙波館天

鏡亭於其上

詳見敘水
東錢湖內

隱學山在東錢湖其下有栖真寺放生池

二靈山在東錢湖有張五行祠

梨花山月波山百步尖山皆在東錢湖有寺

大慈山在東錢湖下水畧宋丞相史魯公葵母夫人于

此以此著名

聖女山管公山皆在縣西

珠山畔跨山有瀑布佛隴山阮山朱長山皆在縣東

山

黃山金文山五峯山皆在縣東南

建巖山在縣西南四十五里

白石山在縣東三十里翔鳳鄉其山青秀與東錢湖相對人多遊覽焉山有白石故名

延祐四明志

卷七

九

舊志載亶洲山在縣東四十五里按十道四蕃志云
亶洲有虞喜緣晉屢召不至死葬於此東方朔十洲
記云山有不死之草赤莖綠葉人死三日以草覆之
即活按吳志黃龍二年春正月魏遣將軍衛溫諸葛
真將甲士萬人浮海求夷洲亶洲在海中漢武洞
穴記言秦始皇帝遣方士徐福將童男童女數千人
入海求蓬萊神山及仙藥止洲不還世相承有數萬
家其上人民時有至會稽貨布會稽東縣人海行亦

有遭風飄至洲者所在絕遠卒不可得至故衛溫等
但得夷洲數千人還今謂亶洲山去縣四十五里實
無此山世傳今日本國即此洲然未知是否也又載
鷄鳴山云山有石井上有銅瓶著石有大石鷄云從
浮桑上飛來今猶鳴應扶桑晚太平寰宇記載動石
山云有豎石高五六丈下有小石支之暴風雨則其
石有動山行者聞隆隆之聲又載靈山云有石鼓臨
澗若鳴則野雉翔鳴故曰靈山今境內皆無之

延祐四明志

卷七

十

奉化州

山明山連會稽接天臺跨慈溪鄞及州境詳見前

鎮亭山州西南一百里漢地里志註鄞有鎮亭山西界
於越跨於天臺故其鄉為連山

結埼亭山在東南四十里瀕海之地與袁村相屬漢地
里志註鄞有結埼亭顏師古云結音結蚌也其長一寸
廣六分有小蟹在其腹中埼曲岸也其中多結故以名
亭俗訛為戰埼

鄆城山州東五十里古鄆城在其下故名乾道舊志載
赤堇山在鄆東四十里山有草曰赤堇鄆縣以此名而
加邑焉

天門山在州南六十里大海、外列嶂排空有兩山對
峙高入蒼莽南亞於海漢地里志顏師古註云鄆縣東
南有天門水入于海有越天門山陶弘景真誥云天門
在鄆縣之南寧海之北半亞於海

雪竇山在州西北五十里四明山之南有千丈巖瀑布

延祐四明志

卷七

十一

泉錦鏡妙高峯含珠林宋理宗御書云應夢名山

丹小山在州西五十里四明山之南屬剡源鄉之三石
村有巨石故名三石山上有石洞上有丹宸二字如朱
書洞如廣廈中可容五六十人有深穴可容人身昔有
入者行幾半日聞水聲如雷而返水涓、巖罅間其流
迹皆赤色下有龍湫旱暵禱之巖後風從竇出常颼颼
有聲夏絕無暑冬則凜、不可近俗號風洞雲笈七籤
所謂丹山赤水是也

徐無巖在州西北七十里巖立數百仞瀑布飛下冬夏不絕下有潭上有獼猴巖三大字刊於石

大小晦山在州西六十里即四明山南來之兩峯左肩紅嵒山下有覆盆山宋時應則入山初甚秀麗既而冥晦故曰大小晦四明洞天記云兩峰各有大小晦是也或作悔非

望春山在州西五十里其右文筆峰其左展旗峯寶化山在州南三里有古松如卧龍杜鵑花如翔鳳題

延祐四明志

卷七

十三

詠詩見慈氏教寺

漢城山在州東北二十里

山有五代漢時城基樓大叅

基山雲漢草離當作雷
鼓聲沉後留得寒巖伴落暉

南山在州東南五里

西山在州西南五里

馬跡山在州南五十五里石上有馬跡故名

三山在州南五十五里屹至大海中如三臺然旁有數

嶼

金城山在州東六十里高出象山乃郡治按山也
大雷山在州西南四十里登其山見海二百里外即唐
末謝遺塵隱處

橫山在州南四十里腰山為路二十五里有石文若篆
謂之天篆旁有經臺劉闡風有摩崖詩

新嶺在州東四十里有七十二曲

上下牢巖在州南三十五里上巖壁立下巖回顧

謝家石洞在州東三十里洞居山腰深丈許有竅可窺

延祐四明志

卷七

十三

天

桃花坑山在州西五十里四明山之上二十里雲之南
也山巖壁立數仞延袤數百里晶色紅白相間隱映出
沒狀如桃花之初發故名四山環繞宛如盤谷中有平
田數百畝

結崎嶇在州南四十五里

崎山在州西北二十一里

湖山在州西北一十五里

吳郎山在州東南一十里

蓬島山在州西南四十里

小梅山在州南三十里

雷公山在州南三十里

九峯山在州東六十里

筆架峯在州東三十里其峯崢嶸如筆架之狀雲興則

必雨

天柱峯在州西六十里

延祐四明志

卷七

十四

丁公山在州西七十里

義峯在州東七十里

九女山在州南二十里

大洞山在州南六十里

東坑山嶺在州西南六十里

燕巖在州北二十里有燕子穴故名

獅子巖在州東五十里狀如獅子

銅山在州西北一十五里

俗傳昔有樵夫入山滿目皆金實意欲捨取之倏有神人

仗劍而出頃之
旋顧悉不見矣

毛巖巖在州西六十里四明山之南接大小梅崎嶇澗
谷行者艱阻紹興初有毛居士者鑿崖以便民往來遂
以名巖

安巖在州西南三十里來自四明山有寺舊名四明院

翠峰在州西南三十里

童公嶺在州西南六十里

珊墟嶺在州南六十里為臺明之界

延祐四明志

卷七

梅山在州西南二十五里

東為僧山有僧廬曰禪寂為壽禪師道場南為鳴鴈管之山巒奇秀鄉之顯任丘隴多藏焉山之西魏丁令威俗傳令威嘗化鶴止此有丹井在其旁一勺之泉常隨海潮上下父老相傳以為海眼攻塊樓公有詩云峯頭丹井隨潮信松下禪床舊祖闢蓋紀此也北則環以大溪其山四斷兀立眾山之中或謂漢之梅福嘗遊此因得名今其山之下每遇大雨則出小石圓如梅子剖亦有核其名又或因此也山上有龍湫為鄉邑雩禱所

新婦巖在州西北五里累石而成肖像類人夏侯曾先

地志云西北臨溪水其石五色望之頗似花鈿新婦首

飾故曰新婦巖今西北實無溪亦無五色石所謂招德

夫人者

昌國州

翁山一名翁洲州東三十里徐偃王所居也今城址猶存抱朴子論古僊者之藥以登名山為上而以海中大島嶼苦會稽之東翁州之類者次之乾道間耕者於其下得銅鼎一無足而有耳亦不穿中可容斗餘而底之埃墨猶在遂歸進士陳節謂煉丹之遺器

補陀洛迦山在東海中佛書所謂海岸孤絕處也一名

延祐四明志

卷七

十六

梅岑山或謂梅福煉丹於此山因以名有善財巖潮音洞乃觀音大士化現之池唐大中年西域增來即洞中燭盡十指親觀觀音與說妙法授以七色寶石靈跡始著海舶候風於山下謂之放洋瞻禮唯謹名公亦多遊之紹興初給事中黃龜年為之贊十八年史越王以餘姚尉攝昌國監三月望偕鄱陽程休甫田沈家門汎舟風帆俄頃而至詰旦詣洞寂無所見炷香烹茗但椀面浮花而已晡時再往一僧指巖頂有竇可以下瞰公

拔緣而上忽見金色身照耀洞府眉目瞭然程所觀亦
同惟公更見雙齒如玉雪天將暮有一長僧來訪云將
自某官歷清要至為太師又云公是一好結畏底文潞
公他時作宰相官家要用兵切須力諫後二十年當與
公相會於越遂告去送之出門不知所在乾道戊子以
故相鎮越一夕典客報有道人稱養素先生言舊與丞
相接熟不肯通刺疾呼欲入謁坐命延之貌粹神清譚
論鋒起素紙數幅大書云黑頭潞相重添萬里之風光

延祐四明志

卷七

十七

碧眼胡僧曾共一宵之清話遽擲筆不揖而行公大駭
遍遣兵吏尋覓不獲見淳熙己酉公正位太師自道本
末云爾洞前律岸嵌嵌指足無地僧德韶鑿石覓橋六
年始成禱謁者便之嘉定七年宋寧宗親灑宸翰為扁
曰大士橋史越王事見補陀寺暨記及會稽志
東霍山在東北環以大海世傳徐福至此山有石基盤
脩竹環之竹枝拂拂常無纖塵若有使之者又相傳以
為仙而舊志所謂虎豹龍蛇人不可到者妄也

桃花山在東南世傳安期生煉丹之所嘗以醉墨灑石
成桃花紋因以名

馬跡山在東北安期生洞在焉

石弄山在東北山石玲瓏故以名

西蘭山

大若山

檀岸山

淳塗山

舊名淳塗

礧石山

滕巖山

窄容山

以上並
在南

小竿山

大竿山

蘭山

崑斗山

麻隩山

蛟山

登部山

黃公山

馬秦山

延祐回明志

卷七

八

黃沙山

徐公山

雙嶼山

石珠山

以上並
在東南

東勾曲山

石馬山

石牛山

隩山

以上並
在東

浪港山

深水山

蒲隩山

蛇山

竹山

洋山

東蘭山

元霍山

西枯山

東曉山

東枯山

桑子山

舊名桑石

石蜀山

東胸山

川石山

北壁山

西頽山

須皓山

落華山

青閣山

並在
東北

大磧山

東乳山

東岱

西胸山

大洋山

吊嶼山

以上在北

回峯山

西良山

長陞山

三姑山

灘山

長白山

西岱山

正策山

吳農山

如岸山

横子山

册子山

西柔山

以上並
在西北

嘉門山

曉峯山

以上
在西

小節山

三山

大茆山

砂蘿山

以上並
在西南

外有霍山黃石鷄鳴東旁西旁碓砧大板洋橫馬乳
宜山汐嶼烈表五嶼序頭方橫白踏大柔雲嶼青屯

延祐四明志

卷七

黃屯龜螿丁興黃隆楊岸畫拷門小磧黃羅門大小
板緣獅大小獨廟址等山皆海中有名者人跡所罕
到姑附於此

慈溪縣

太平山 楠 按孔臯會稽記曰在餘姚縣南百里四明山
自越跨縣接鄞奉化山形似繖四角各生一種木不雜
揉三陽之辰華卉代發今舊志云在縣西六十里界餘
姚縣孫綽游四明游太平有銘其山與四明犬牙相接

人孔稚珪亦有詩詳見題詠則太平蓋四明之支隴也

塔山在縣東南三里陰陽家謂之青龍山

大寶山在縣西南二里陰陽家謂之白虎山山南有泉極清甘名

白大寶泉

白餘山在縣西南二十五里白章餘姚在此山之東西蓋因山以名縣也山海經

云山出錫

成溪山在縣西南三十五里晉孫恩盧循作亂取道入寇劉牢之禦之屯兵於此

故以成名

延祐四明志

卷七

二十

東澄山在縣西南三十五里

橫山在縣東南十里

五馬山在縣西南六十里

三女山在縣西南六十里昔老相傳昔有三女浴於江次忽為雷所擊化為三峯相

望因此名

大隱山在縣南三十里夏侯曾先地志云大隱山口南入天臺北峯為四明東足乃謝

康樂煉藥之所也晉虞喜三召不就遁跡此山因此以名之

三過山在縣南十五里嘗倦於經過一過猶倦况三過

乎故

名
鼈子山在縣南十五里山形似鼈

抱子山在縣東南十里山勢宛轉如龍蛇抱子之狀

驃騎山在縣東三十里會稽典錄云漢時張意為驃騎將軍其子齊芳歷中書郎嘗隱

此山

闕峯山在縣東北一十里吳太子太傅闕澤居其下因

以名

大蓬山在縣東北三十五里又名蓬蓬山上有巖高四五丈及有石穴深三尺

建祐四明志

卷七

二十一

餘巖上有三佛跡上多芳草又云秦始皇至此欲自此入蓬萊故號蓬蓬山下有智度寺范石湖有詩云料撒軒裳一闕塵任教空翠滴烏巾身已到籃輿上處青山是故人

秦畧山在縣北六十五里

東向山在縣北六十里

黃牛山在縣北六十里

筭嶼山在縣北六十里

若嶼山在縣北六十里

浪港山在縣北六十里

石塘山在縣北四十五里

向頭山在縣西北八十里

亦名西龍尾東望伏龍山與龍頭以東屬定海龍尾以西

屬餘姚各有海塘每為潮損二山杆潮其中與山相接古有海塘門柱屹然今為漁鹽之地已成畝者禾黍以舟師難於出入遂廢今置鎮守司屯兵

鳴鶴山在縣西北六十里

耆老相傳昔有鶴棲於此一旦飛鳴冲天而去故名

漁溪山在縣西北五十里

五磊山在縣西北三十五里

上有五峰磊相此人謂五磊雲興則雨常以為候

朱墓山在縣西六十里宋臺州刺史朱夔死於此山

延祐四明志

卷七

三

埋馬山在縣西六十里

夏侯曾先地志云秦始皇避海至此馬斃埋之故以此名

雨微山在縣西五十里

舊名龍山上有雲氣即雨邑人常以為候或云本是雨微

山避諱改

夜飛山在縣西四十五里

其山生甘草耆老傳此山自蜀夜飛來蜀客識之因名山

鳳凰山在縣西四十五里

文亭之上其形如鳳與龍山相對

龜子山在縣西四十里

山形如龜狀

城門山在縣西三十里

宋城門校尉會稽從事陳詠葬於此山因以名

虎牌山在縣西三十里

山形聳嵒如虎牌情大業中嘗鑿山西南斷跡至今猶存

鳳巖山在縣西三十里似山形

仙鷄山在縣西二十五里夏侯曾先云上有石井石床

有石鷄俗云是扶桑鷄飛下因以為名

赭山在縣西八里土色正赤故曰赤山

定海縣

招寶山在縣東北八里一名侯濤山為海控扼舊稱山

下蚌生明珠往來波濤之間魚舟或得之即光耀逼人

駭浪繼作不可行投之乃止大洋陰晦夕或見光彩近

延祐四明志

卷七

二十三

則隱藏宋梅麓樓公扶登山有詞云沁園春開闢以來

寰一簇輕笑滿毛小可詩情尋常酒量到此應須分外

日風波無限勞看檣烏縹緲帆歸遠浦鱸魚雜沓網帶

誰人領解空立亭皋

中子山縣東八里對招寶山對峙為風濤障蔽秋濤洶

水患

金鷄山居招寶山外屹立海中舊傳山有金鷄故名

鮫門山縣東四十里一名嘉門山勢環鎖海口出鮫門

則大洋也

虎蹲山縣東二里屹立海口以形得名

古稱蛟門虎蹲天設之險

游山縣東二里海中

印山縣東一里

梓蔭山縣東一里

宋時軍官馮栢夷而築之建屏山堂

邑也為海道衝六龍南飛遂宿兵於此以戒不虞嘉定十一年馮栢環衛來領此成越明年軍事修明脩射亭勅軍器庫規制整齊直南得山曰梓蔭作堂其上命曰屏山祈其久故夷而不庫取其質故狀而不麗自公之餘領客觴詠其間郡人應燭謂客曰子知侯之所命斯堂之意客曰以予觀屏山之景四山環崎蒼翠可挹

延祐四明志

卷七

二高

風雲月露晦明皆宜南引大江練光澄鮮北望鉅海與天無際睨視兩間披剝萬象無丹青之功有天然之繪命之日屏宜亦似矣此侯之意歟雖然屏之為物頓乎方丈之室其高不過尋丈尺間今山之與堂相去或十里或百里而後取以為屏奇以不已夸乎余曰不然世有大尺先生者高牖日月庭衢八荒天地則其室廬也然則山川城邑皆吾室中之玩而草木禽獸吾苑囿樊籠之觀而已山雖遠取而而屏之不亦宜乎此詎非侯之所以命斯堂之意歟嘉定十三年夏五月丁巳應燭記山下峻石大刻懋念室懿四字各大四尺

行嶼山縣東南一十二里

青嶼山縣東南一十五里

樂家山縣東南二十五里

蘆山縣東南名石湫浦

鬼嶼山縣東南四十五里名石蓮灣好事者易名寶嶼

山

小三山縣東南四十五里

啓霞山縣東南七十里名柏香崑

紫石頭山縣東南八十里以石色名

雲霄山縣東南八十里

瑞巖山縣東南九十里名十二峯宋大中祥符年芝生青松峯下守臣聞子

延祐四明志

卷七

二十五

朝勅言褒獎云和氣所鍾靈苗載育時惟珍物著厥祥經省覽貢陳良增欣愧其碑石尚存

靈巖山縣南四十里宋樓宣獻遊山詩云但見雲生谷初無石似岩得非名舊觀買地作

精藍境勝環修竹門深擁翠杉禪林自佳趣莫問後三三此詩已見華岩寺下

大蓬山縣西北一百里一名達萊謂由此可達蓬萊

烏崎山縣東南一百二十里俗傳宋高宗南渡曾登此

山

大榭山縣東南一百二十里

小榭山縣東南一百二十里

盤嶼山縣東南七十里
水繞太白山陰而出凡二十六
盤宋名儒習庵先生陳垣墓向
存

陳山縣南七里

秀峯山縣東南六十里山下古柏甚巨唐朝舊物

飯嶽山縣南三十里

剡嶼山縣南一十五里

長山縣南一十五里

南山縣南十里東西兩山對峙

延祐四明志 卷七

五

龍山縣南三十五里

慈嶼山縣西南九十里古傳左慈隱此

美嶼山縣西七十里

新婦山縣西北六十里

回峯山縣北六十里

石壇山縣西北七十里山石如壇

施公山縣西北九十里
北瞰大洋東距龍頭西接鳴鶴
商舟如江浙常往來宋時苦海

魁至元十五年縣建魯花赤張進以地扼險要初巡檢
司氏乃安居大德十一年巡檢王質始於山前創建衙

宇戎備
一新

澤山縣西北九十里舊名櫟山

宋吏部郎官黃公震以不雅改今名黃公德祐

初葉官歸隱就山之南築室以居名湖山行館榜所居室為歸來之廬環植松菊林泉瀟灑為一方勝覽前進士王翔龍游山詩獨倚空堂夜無人境自寬高風河影動斜月竹月寒潮海秋声閣山林客夢安坐來更幾照北斗已闌干又訪黃史部不值有詩云一鏡湖光半壁山主人何往客來觀閑蝶自專花富貴幽禽如語竹平安煙雲變化草木媚日月往來天地寬何當共整登臨屐更上崔嵬絕頂看

洞山縣西北一百里山有豹洞古有豹隱此山有錦鏡

池將軍石盤松

延祐四明志 卷七

二十七

福泉山縣西海晏鄉三都名釣巖聖牛過旱澤隨應

伏龍山縣西北九十里山有千丈巖山勢壁海奇處

靈崑山縣西四十里

東山縣南十里與南山相對峙

象山縣

玉几山縣南十五里縣治案山

東丹山又名蓬萊山縣西一里衆山隱映圓秀其巔平

夷有丹竈及煉丹亭址相傳云陶隱居嘗煉丹於此更

上有峰巍然貌大煉丹海上望之層岫傑嶂如書邑人
春月登覽旣為勝槩其側有仙掌跡隱然
鼓吹山縣東八里其峯嶧然孤峻天將雨雲霧先起有
鼓轟如鼓吹鳴

僊跡巖縣東十五里地名杉木橋崑洞內有石佛像洞
前之石平夷闊三文許成五采文有石獅子如羊蹲踞
巖上

聖孃山縣南十里世傳昔有一女在山上隱見若神

延祐四明志

卷七

二十八

南巖又名千頭巖縣南五十里三巖參天如列筍

道士巖縣南五十里壘石高數十丈冠額類道士

東門山漢書地理志所謂天門山也高二百丈周回二
十五里兩峯對峙其狀如門闊一百五十餘步有橫石
如閘潮退湍瀉惟風平浪息乘舟可渡蕃舶船必經從
之潮未平有風浪則蟻聚泊舟山下此海道之衝要也
甌瓦山狀如甌瓦因為名崑上有仙跡長尺餘
版場坑上巖上有仙跡長尺三寸深半寸

師孃嶼山舊有農人墾地獲一古鐘

三茅山有三峯春時襟花交發綺麗可觀

于館山古有漁人于館卒于此

東西濤山四面皆風濤未嘗暫息人跡少到

檐子山狀如曲檐

陽太嶼山

秋盧門山

大門山

延祐四明志 卷七

元

石壇山

以上皆縣南海中

仍頭巖縣東南二十五里巖高千餘丈上如仍首中斷

如峯腰岌然欲搖動又謂搖崑環崑遠近皆蒼葡萄花夏

月開彌望如雪香聞十餘里

鋸門山縣東南二十五里其山中斷如門

面現山與縣相望無山間隔因以為名

大睦山

秋開山

萑山

大萑山 以上皆縣
東南海中

鷄籠山縣西南五里望之如鷄籠山下有鷄廟

伍師山縣西南四十里上有白龍潭舊有五僧修道於

上明嶼縣西南海中兩山相對一臺山一明山此是臺

明分界之所

馬鞍山兩頭起峯如馬鞍

雙泉山上有二穴出泉味甘可飲過舟常汲之

延祐四明志 卷七

三

東殊山 以上皆縣
東海中

天印崑縣西七里大嶼其巖如六花印

化氣崑縣西三十里又名蒙頂山夏旱少有雲氣出必雨

西殊山縣西海中

金鷄嶺縣東北二十五里嶺上大小之石皆有鷄距跡

珠崑山縣東北三十里舊傳蕃舶自海中見此有奇怪

寶氣因至此尋之不獲而去半岩有古檜奇怪人莫能取

鄭行山縣西北十里山高聳上產靈草佳茗舊有鄭行

居此隩

昌國州

曉峰

門鹿

螺頭

小筍

中莊

小頰河

盤嶼

大茅

小茅

東江

揚嶼

謝浦

翁浦

洞嶼

嚴家嶼

澤浦

鄭嶼

劉嶺東

寺嶼

姚家嶼

祝家嶼

大筍嶼

小筍嶼

馬嶼

延祐回明志卷七

蘆花

苔浦

孟家孟嶼

沈家門

田公嶼

大剪

下塘頭

丘家礮

王大麓

南嶼

東村

施家嶼

小蘆

釣嶼

沈家嶼

松子

麻嶼

洩嶼

螺門

小枝

郎家嶼

東湖

北蟬

虞家嶼

大頰河

少沙嶼

蠶娘嶼

小剪東茅洋

大舟

大蘆

干礮

二松江

五百嶼 小舟 中莊 溪口

李家嶼 紙 侯家嶼 陳山

浦門 南 溪埧 蘇仲

西山頭 宜坑 小泉 泉白

東湖 西湖 虞家嶼 柯梅

蚶嶼 郎家嶼 大箭 茅嶼

長嶼 軍亭 大青

已上八十三處並屬富都鄉

延祐四明志卷七

三

梅岑 外黨 桑木灣 裏黨

長股 短股 木丘 黃砂

大馬秦 沙角 螺嶼 小馬秦

富溪 冊子 陳家嶼 枝嶼

南田 吳農 北田 北砂

桃花 登部 千步砂 黃嶼

石浜 崑斗 東弄 嘉芥

下砂 廟嶼 蝦崎 黃沙

外嶼

大田

杜莊

車教

郎家嶼

殊嶼

中心

淳塗

厲嶼

東茆現

西茆現

竹頭

吳家跳

已上四十七處並屬安期鄉

五百嶼

鑿鑿

上周

上林

黃將嶼

三家村

裏嶼

大嶼

塔頭

夏家嶼

上干

泗洲嶼

延祐回明志 卷七

三三

東墩

西墩

小里

蛤蜊嶼

烈港

岑江

宜象嶼

漲史

扶桑

盤嶼

大沙

小沙外嶼

青嶼

長白

馬墓

宜山

孤史

冊子 背岑江

秀山

秀枝

雙雅

章門

石室

厲嶼

長塗

跋叁

深水

濯門

冢嶼

稠江

冊子 西海

已上四十三處並屬金塘鄉

高亭

南亭

西嶼

蒲洋

白峯

青橫

谷嶼

松嶼頭

鄭家嶼

千步砂

岸斗

秦頭

岱支

裏嶼

砂塘下

東嶼

岳子

塔頭

戚家砂

下茆

石迷

余浦

胸東

地砂

桑子

巖子

楊公衞

後嶼

延祐回明志

卷七

三四

化坑

楊公額

三姑

馬跡

黃嶼

疆門

嘉湖

北沙

菱門

樵嶼

大小田嶼

大嶼頭

苔泚

長袁頭

裏行

叫兒

墓嶼

上黃砂

鷄鳴

深水

大小馬公

筍嶼

福丘

下黃砂

神前

西莊

干斜

嶼吟

大盤

石衞

東枯

洛華

大小壁下 大發

澤下

王家嶼

已上六十九處並屬蓬萊鄉

新羅嶼縣北七里舊傳新羅國人嘗泊舟於此

陵墓

鄞縣

管公明先生墓縣西四十里聖女山父老相傳云

唐刺史黃晟墓與其母高陽郡太君齊氏其妻潁川縣

君鍾氏墓俱在隱學山傳見人物考

延祐四明志 卷七

三五

梁山伯祝英臺墓縣西十里接待院後有廟存二人少

嘗同學比及三年而山伯初不知英臺之為女也以同

學而同葬見十道四蕃志所載舊志曰義婦塚然此事

恍惚以舊志有姑存

陳國塚郡國志鄞山有陳國塚一名鴈栖墓昔國為日

南太守死有雙鴈極極而歸栖墓上三年然後去出太守墓

宇記

鄞女墓城南崇法院之西北王荆公安石宰鄞時生女

周晔而歿葬於此將行別有詩云

見集古考

鮑郎墓在縣東南三十里青山下即忠嘉神聖惠濟廣

靈王墓也

詳見祠祀考

奉化州

唐銀青光祿大夫王敬玘墓州西六十里地名萬竹嶼有人耕其旁得小方碑載敬玘出自琅玕官於明州天祐二年歿葬於此

唐朝散大夫王公濂墓州西北二百步公越州諸暨人

延祐四明志

卷七

三

官於鄞卒于文德元年葬於此

吳越國奉國軍節度使錢康憲公墓州西北三里公諱

億字延世錢公穆王第十子吳越王之次弟漢乾祐元

年判西浙監鉄明年判四明諸軍事宋乾德五年薨葬

於奉化州之北山通儒學士散朝大夫崔仁冀奉制銘

其墓至今祠於北上廣化院

慈溪縣

晉虞瑤墓五馬山縣西南六十里虞氏譜云瑤博學強

識當時所稱累迁至伏波將軍

晉虞胃墓在橫山東南十里虞氏譜云胃好學不急仕
至散騎常侍常居此山死因葬焉至今人呼為常侍墓
宋朱夔墓在朱墓山縣西六十里宋書朱夔字秀整吳
人也州舉秀才歷中書郎轉臺州刺史有林壑之志卜
居此山死因葬焉

梁虞收墓在東澄山縣西南三十五里收舉秀才累迁
至散騎常侍著內典要三十卷

延祐四明志

卷七

三七

梁建威將軍虞騫墓在漁溪山縣西北五十里

梁東海太守虞野人墓在戌溪山縣西南三十五里

隋金紫光祿大夫陳詠墓在城門山縣西南十三里隋
書云詠字休寧仕為懷安令迁城門校尉會稽從事屬
隋初多故因留葬此遂以名山

唐張孝子父司馬墓在虎脚山縣西三十里

事蹟見
郡志

千人壇在縣西南十五里高數仞其上可容千人耆老
相傳云昔秦始皇東游會稽登山望秩以求神仙至此

見羣峰連延東入於海乃命方守徐福立壇祈禱因以
為名

芝海縣

叢塚宋高宗幸海道侍衛軍赴舟不及多死於此骸骨
聚埋巾子山下洗馬池側因名塚叢

通天廟劉伶墓東晉人在靈緒五都東步市祠名通天
鄉民禱求甚應然並無碑誌可攷

海

延祐回明志 卷七

三

本路

海環府境東北迤於南潮入城東各有侯燕肅朝論曰

海潮之說多矣或謂天河激湧亦云地機翁張盧肇以

日激水而潮生封演云日周天而潮應挺空入漢山湧

而濤隨折木大梁日行而水大源殊派別無所適從索

意探微直伸確論宋大中祥符九年冬奉詔按蔡嶺外

嘗經合浦郡沿南溟而東過海康歷陵水院恩平注南

海迤由龍川抵潮陽自出守會稽移蒞句章是呂上諸

群皆沿海濱朝夕觀望潮汐之候者有日得以求之刻

漏究之消息十年用心頗有準的大率元氣嗑吸天隨

氣而漲險溟渤往來潮順天而進退者也日者眾陽之
母陰生於陽故潮附之於日也月者太陰之精水者陰
類故潮依之於月也是故隨日而應月依陰而附陽盈
於朔望消於朏魄虧於上下弦息於朏胸故潮有大小

烏今起月朔夜半子時潮平於地之子位四刻一十六
 分半月離於日夜地之辰次日移三刻七十二分對月
 到之時以日臨之次潮必應之過月望復東行潮附日
 而又西應之至後朔子時四刻一十六分半日月潮水
 亦復會於子位於是知潮常附日而右旋以月臨子午
 潮必平矣月在卯酉必盡矣或遲速消息又小異而
 進退盈虛終不失於時期矣或問曰四海潮平來皆有
 漸唯浙江濤至則亘如山岳奮而雷電水聲橫飛雪崖
 傍射彭騰奔激吁可畏也其奮怒之理可得聞乎曰或
 云夾岸有山南曰龕北曰赭二山相對謂之海門岸狹
 勢必逼湧而為濤耳若言狹逼則東溟自定海吞餘姚奉
 化二江作之浙江甚狹逼潮來不聞濤有散也今觀浙
 江之口起自慕風亭北望嘉興大山水閣二百餘里後
 海商船怖於上潭惟泛餘姚小江易舟而浮運河達于
 杭越蓋以下有沙潭南北橫亘隔礙洪波盛過湖勢夫
 月離震兌他潮已生惟浙江木末泊月經巽乾潮未已

延祐回明志卷七

三九

半濁浪擁滯後水益來於是溢於沙潭猛怒頓湧
 散勢激射故起而為濤耳非江山淺逼使之然也

初一日十六日子未午未平

初二日十七日丑初未初平

初三日十八日丑正未正平

初四日十九日丑末未末平

初五日二十日寅初申初平

初六日二十一日寅正申正平

初七日二十二日卯初酉初平

初八日二十三日卯正酉正平
初九日二十四日卯末酉末平
初十日二十五日辰初戌初平
十一日二十六日辰正戌正平
十二日二十七日辰末戌末平
十三日二十八日巳初亥初平
十四日二十九日巳正亥正平
十五日三十日巳末亥末平

延祐四明志 卷七

四

象山縣

海環三垂東南皆大洋則巨港東曰錢塘南曰大睦西南
曰東門皆蕃舶閩船之所經從自錢塘而北則定海自
東門而南則臺溫此大洋也其北港則陳山渡舟之往
來東達于洋西距鮎埼由陳山渡一潮至方門再潮至
烏埼三潮可至府城下

江

奉化州

奉化江源於四明之鎮亭山出州之惠政橋下與諸水會南來亘府城之東然後與慈溪江會而入海隨潮上下

慈溪縣

江源於紹興餘姚之太平山東至文亭乃分為二大江由鹹池歷西渡經府治之北入海小江貫縣中出東郭至西渡又與大江會入於海隨潮上下大江乘潮多風險故舟行多由小江

延祐四明志

卷七

里

定海縣

大決江縣東南一里與鄞縣通潮

小決江縣南一十五里西抵鄞縣五鄉磯

溪

奉化州

州溪在州東二里導自鎮亭逾柏溪至牢巖浮西溪出綠荷灘過惠政橋會於三江口入北渡達於海剡溪在州西七十里導自陸照左溪會同流於公棠逾

泉溪會於三江口入北渡達於海

雙溪在州南二十五里導自杉木嶺逾排溪出下邳溪別於進林常浦會於三江口入北渡達於海

慈溪縣

慈溪在縣南三十里與大隱山接本名大隱溪里有後漢董黯性篤孝母寢疾好飲此溪水每思之恐不常得黯遂築室溪濱板輿就養厥疾乃痊因名慈溪

文溪在縣東北十五里受眾山之水色清有文故以為

延祐四明志

卷七

三

名

漁溪在縣西四十五里舊傳有清潭虛澗竹木連繞清澄徹底鱗介不能潛其形漁者利之故名

藍溪在縣西南六十里自發源流到江際夾岸藤蘿色深可染因以名之

定海縣

楊家溪在縣南三十五里崇丘三都

章家溪在縣南三十里崇丘三都

潭

奉化州

隱潭在州西北五十里潭居兩巖之下兩岩相抗壁立
數百仞瀑飛如練人循崖詣潭窺天可數尺宋皇祐中
遣中使禱之輒應杜說有記

靈濟潭在州南一里宋元豐七年令向宗諤禱之得九
節鰻宣和中令周因植亭祠之立碑記異

白龍潭在州東一十里宋至和元年令邦修輔有記云記

延祐四明志 卷七

里三

潭方濶十餘丈巨礎下一穴相傳有神物宅焉自
潭導渠分為數派溉灌民田八千九百二十二畝
金鍾潭在州東一十里傍有一墩或傳錢氏載大金鍾
過此沉焉漲沙成墩金載今在

墩之下歷久
不為水所盪

幽蘭潭在州南五十里

白魚潭在州西北二十里

雨師龍井在州南四十五里

西洩潭在州西五十里其潭如井

沙潭在州西六十里

靈濟潭在州西三十里 地名大毛坑

阮家山潭在州西南五十里

大洞山潭在州南六十里

馬嶺潭在州東七十里

龍光潭在州東三十里

濁水潭在州西南六十里

泉井在州西二十里

顯濟潭在州西三十里 地名樓臺山 遇旱禱雨此

延祐四明志 卷七

沉坑潭在州西七十里

金井洞潭在州西七十里即茶坑

石門洞潭在州西南六十里

設僧洞潭在州西北六十里

鱔應潭在州東一十五里

牙梳巖鰕魚潭玉研井烏潭在州南四十里

柏杳巖觀音井潭在州東南一十五里

石井潭在州南五十五里

涯濟潭在雲潭梅山潭在州南三十里

大龍潭小龍潭在州東六十里

耀碑潭在州東二里故老云官清則潭清

昌國州

東龍潭在州東當延福萬壽觀之中有龍祠為凡禱先此

洩潭在州東北三十六里潭據山腰深淺不可測宋宣和中旱簿尉劉伋投以詩曰未躍天衢卧寂寥碧潭流

延祐四明志卷七

四五

溢海山腰埋藏頭角維多日鼓動風雷在一朝既若有
心成變化豈能無意澤枯焦神縱許為蒼生起願繫香
車上九霄詩沉而下時人異焉

岑江潭在州西小岑江上過禱而應蜥蜴必出

慈溪縣

永昌潭舊名黃茂潭在縣西南四十里至道宮之上唐

寶二年明皇遣使投金龍密以朱筆記其左助繼而兩
降明皇目觀行雨龍左助上有朱畫及有大寶永昌四
字謂臣察曰此四明山所投之龍暨使回奏投潭之始
即泛出黑漆木板尺餘有金書大寶永昌四字遂賜名

宮大寶潭名永昌餘見至道宮事內潭之北五里有獅子潭祈雨必應土有石一所有獅子足跡并仙人藥日潭下有石臺三層高數丈鄉名石臺者以此

湍水巖潭在石臺鄉溪上近白岩院曩因禱雨隨至其後縣家禱祈多應遂建祠

白龍潭在縣之東南七里花墅湖上水出岩間又名冷水灣上有龍王祠宋建炎三年正月六日并淳熙十四年六月十九日據賜廟額寶祐六年正月勅賜順濟廟北雪潭在德門鄉三十里

延祐曰明志卷七

四

烏石潭在縣西嶼鄉去縣一十里

天井潭在縣西北二十里

赭山潭在縣西南一十里

查嶼潭在縣西南六十里

聖女潭

十龜潭

定海縣

新婦潭在縣南三十五里崇丘四都有鍊心祠宇連年

風雨損壞無存

匾溪龍潭在縣西北百里靈緒四郡黃楊嶺過旱鄉民
祈禱屢應大德元年潭側建祠以祀

清林龍潭在縣江南七里久已湮塞嘉泰中旱縣令商
逸卿訪求故跡禱雨即應自此逢亢旱縣官率士民詣
潭請龍祈雨屢有奇驗

釣岩龍潭在海晏三都去縣百地里名福泉山縣境過
早官吏詣潭祈龍雨澤隨至

延祐回明志

卷七

四七

象山縣

東攝潭在縣西七十里層峯峭壁捫羅而登有小瀑布
流下於潭過歲旱禱得鶴龜則雨隨至鶴龜其甲長尺
許背如鸚鵡尾長八九寸鱗甲炯然

白龍潭在縣南三十里伍師山嶺過旱禱雨多應

清潭在縣西南十里小木陰翳上有石雷注水於潭石
壁多菖蒲主簿陳震嘗為旱禱雨甫下山而雨大作

湧泉潭在縣西南十五里潭水清淺人謂龍穴亢旱則

斬鵝祭之鏡鼓方鳴泉即湧出或有得雲母石於潭側者

金蛤潭在縣東三十五里珠岩之巔其潭晴雨皆涸特砂磧耳上有石壁遇旱禱之則有水如注從石壁中迸出須臾盈潭遊鱗蜿蜒中有金蛤呼之有聲應則雨巨穴潭又名雙竇在縣東南二十里有二穴深不可測其水隨潮升降下通龍洞

平石潭在縣西南二十五里

延祐回朔志

卷七

八

白蟹潭在縣西南三十五里

金松潭在縣南二十五里

大門潭在縣南八十里

青峯潭在縣西南二十五里宋紹興間主簿袁達禱雨有應

龍洞在縣東南二十五里鋸門山之趾世傳五龍聚會之所洞瞰巨海中如石屋闊數丈每歲上巳邑人俟潮汎退艤舟入洞觀之岩花石乳繽紛懸墜下有白黑棋

子石布於砂磧更入四五大岩洞深洄湧澎湃寒陰
凜然不可進矣天將大雨水如雷聲鳴聞十餘里歲旱
救以朱書鉄簡則雨立應

鄞縣

洞井龍潭坐落三十八都

靈頭山龍潭坐落三十八都舊名胡家聖井

錫山寶岩寺後有秋名白龍王顯於宋淳祐年間至今
雨暘祈求無不感應寺北山上有洞口龍竅屈曲而下

延祐四明志

卷七

四九

莫窮其底

太白山龍洞縣東六十里旱暵禱之輒應

天井山有三井旱暵祈禱得蜥蜴或鰕蟹之類雨即應
延福寺天王像堂之前有靈鰻井遇歲旱禱雨感應

泉

錄事司

梁公泉鬪山堂前方池之外宋紹興十二年守梁汝嘉
建亭其上今亭廢井存

昌黎泉公使庫造酒所宋紹興末年守韓仲通建亭其上至

大元歸附後庫廢為廣盈倉水湮塞焉

奉化州

茯苓泉在州城今馮多福作記即七星井之一

透瓶泉在州東三里以甕器貯之水透瓶外

腰帶水在州西五十里有張玉田詠之屏遠魚懸事已非水先猶自濕雲衣山中幾日

潭無雨一夜溪痕有減圍

延祐回明志卷七

五

清玉泉在州西南六十里

象山縣

瀑布泉在縣西南四十里泉馮於靈岩之上飛瀑濺沫迨百餘丈有猿藏岩中時出沒於瀑布之間鄧仁憲廣布吳說諸公嘗有題咏相傳岩端生奇花枯檜有舟船矧石之跡

玉泉在縣東北三十里廣福亮院前泉深三尺味甘色白烹茶勝立夏後則泉溢立秋後則泉涸有怪松偃蹇

覆於上

浦淑

定海縣

朱家浦在縣東南四十里太丘一都

清水浦在縣南東管二都古傳為湖今湮廢

澥浦在縣西北六十里靈緒二都漁舟聚集之地外通

大洋有巡檢司及稅務在焉

津渡

延祐四明志 卷七

五

奉化州

南渡在州北二十五里舊以舟渡後易以橋見橋道門

北渡在州北五十里宋慶元年間邑人汪伋造巨舟廩

給渡頭二家至元十五年官為造船濟渡軍馬久而弊

至元二十七年重造

田下渡在州東一百里

東宿渡在州東八十里

石盆渡在州東七十里

施家渡在州東北

宦江渡在州東北

昌國州

舟山渡去縣五里趨城由此塗出令趙大忠新創隄岸
臨江教官應徽託自縣至府涉海洋有風波盜賊之虞
本府元有大渡船二隻委江東寨兵分番撐駕各支小
券錢米應過渡人每名止收錢五十文足縣屬之尉府
屬之都稅務批歷遣放不許過有乞覓亦不許裝載私

延祐四明志

卷七

五十一

貨然水軍不受昌國統轄往來率不如期每過解發官
錢專扶私商殊失當年渡濟民旅之意且船久已弊寶
慶三年守胡桀損楮券五百緡有奇新造二船視舊加
廣行下昌國委三姑寨兵主之人給券食屬都稅院與
縣尉點放如故仍照浙江官例過渡人各給一牌收錢
批歷為照有容私者許之海務檢覈過渡人陳告其兩
處所收渡錢過月給解赴軍資庫以備修船之用
竿纜渡

泗州塘渡

冊子渡

金塘渡

沈家門渡

鄞縣

東渡即桃花渡羅城東門外往定海昌國路宋寶慶三

年守胡榘造昌國渡船二隻

詳見縣志

西渡即西江渡望京門西二十里

延祐四明志

卷七

五三

北渡甬水門南二十五里往奉化路蓋奉化有南渡故以為北也

銅盆浦渡

番石渡

俞公渡

李家渡

周蘇渡

江東西塘路自城東靈橋門浮梁之外有河塘自甬東

至莫支堰係民旅沿塘往來之路外邊河內傍田侵削
幾不盈尺宋淳祐六年守顏頤仲重修

定海縣

大決渡在縣東南一里

石橋渡在東管二都

施家渡在東管三都

朱家渡在崇丘二都

小決渡在崇丘二都

延祐回明志

卷七

東江渡在崇丘三都

蚶嶼渡在崇丘三都

胡家渡在崇丘三都

筭山渡在靈岩二都

蘆浦渡在太丘二都

慈溪縣

黃墓渡在縣西南三十里

李溪渡在縣東南四十里

青林渡在縣東南三十五里

任家渡在縣東南二十五里

鶴浦渡在縣南一十五里

赭山渡在縣南一十五里

沈家渡在縣西南三十五里

丈亭渡在縣西南五十里

吳翁渡在縣西南五十五里

蜀山渡在縣西南六十里

延祐回明志

卷七

城山渡在縣西南一十五里

車廐山渡在縣西南四十里

新渡在縣東南三十里

五十五

延祐回明志卷七